

WORD

Sinabi ni Jesus sa kanila, "Sumunod kayo sa akin at gagawin ko kayong mangingisda ng mga tao."

MATEO 4:19

WHAT

Tinawag ni Jesus ang mga tao na sundin Siya—na umugnay sa Kanya sa isang relasyon. Nang inutusan ni Jesus ang mga disipulo na magdisipulo, inasahan Niya silang magdisipulo tulad ng Kanyang ihinalimbawa sa kanila na palaging nasa konteksto ng ugnayan. Paano ginawa ni Jesus ang pagdidisipulo?

1 Iniugnay ni Jesus ang mga disipulo sa Kanya.

Hindi ko na kayo itinuturing na alipin, dahil hindi alam ng alipin kung ano ang ginagawa ng kanyang amo. Sa halip, itinuturing ko na kayong mga kaibigan, dahil sinasabi ko sa inyo ang lahat ng narinig ko sa aking Ama. JUAN 15:15

Nakasanayan ng mga disipulo na tawagin si Jesus na "Rabi" o "Maestro," ngunit sa bersikulo na ito ay muling pinagtibay sa kanila na hindi lamang Siya basta "Mesias" at isang "Guro" ngunit isang "Kaibigan" na nagpapatunay lamang na kung anong uri ng ugnayan ang nais Niya mula sa Kanyang mga disipulo. Papaano mo nakikita si Jesus bilang isang Kaibigan? Papaano mo naman tinitignan ang iyong mga dinidisipulo?

2 Ipinanalangin ni Jesus na ang mga mananampalataya na maiugnay upang maranasan nila ang Diyos ng lubos.

²¹Idinadalangin ko sa iyo, Ama, na silang lahat ay maging isa gaya natin. Kung paanong ikaw ay nasa akin at ako'y nasa iyo, nawa'y sila man ay sumaatin, para maniwala ang mga tao sa mundo na ikaw ang nagsugo sa akin. . . . ²⁶Ipinakilala kita sa kanila, at patuloy kitang ipapakilala upang ang pagmamahal mo sa akin ay mapasakanila at ako man ay mapasakanila. JUAN 17:21,26

Sa bandang huli ng pagmiministeyo ni Jesus dito sa lupa, nanalangin Siya para sa mga mananampalataya na sila ay maiugnay sa bawat isa nang sa ganon ay maranasan nila ang Diyos sa kanilang buhay at sama-samang malugod sa Kanyang pag-ibig. Si Apostol Pablo ay binigyang-diin ang kahalagahan sa tuntunin na ito sa aklat ng Hebreo 10:25. Anong mga kapakinabangan ang natanggap mo nang ikaw ay naiugnay sa simbahan?

3 Si Jesus ay binigyang-sigla ang mga disipulo na maiugnay ang bawat isa sa pagsulong ng Kanyang kaharian.

³⁴"Kaya isang bagong utos ang ibinibigay ko sa inyo: Magmahalan kayo. Kung paano ko kayo minamahal, ganoon din dapat ang pagmamahal n'yo sa isa't isa. ³⁵Kung nagmamahalan kayo, malalaman ng lahat ng tao na mga tagasunod ko kayo." JUAN 13:34,35

Ang bisa ng mensahe ay nakasalalay sa isang mensahero. Kung ang mga tagasunod ni Jesus at tagapaghatid ng ebanghelyo ay magmamahalan sa bawat isa at magkakabuklod, magbibigay sigla ito sa Mabuting Balita. Ang pagmamahal mo na ibinabahagi sa kapwa mananampalataya ay siya rin ibinabahagi mo sa buong daigdig. Papaano mo ipinamumuhay ang ebanghelyo upang isulong ang kaharian ng Diyos?